

Allannguutissatut siunnersuut
uunga

**Uunga siunnersuut: Ilunut sanaqataaffiusunut taarsigassarsiat pillugit Inatsisartut inatsisaat nr. xx,
xx. xxx 2018-imeersoq**

(Atuuffissap annertusineqarnera kiisalu ilinniartut ukiuni akileraarfiusuni tallimani kingullerni sulisimanissamut piumasaqaammut ilaatinneqannginnissaat)
Aappassaanneerinermi Naalackersuisunit saqqummiunneqartoq.

§ 1

1. § 1, imm. 2 imatut oqaasertalerneqassaaq:

”Nunaqarfinni illoqarfinnilu tamani, Ilulissat, Aasiaat, Sisimiut, Nuuk aamma Qaqortoq minillugit, Inatsisartut inatsisaat manna naapertorlugu illunik sanaqataaffiusunik sananissamut imaluunniit pisinissamut taarsigassarsititsisoqarsinnaavoq.”

2. § 13-imi imm. 2-tut nutaatut ikkunneqassaaq:

”Imm. 1-imi killiliussat apeqqutaatinnagit kommunalbestyrelsi ilinniartunut, ilinniakkaminnik naammassinnissimasunut, aammalu ilinniarnertik peqqutigalugu ukiuni akileraarfiusuni kingullerni tallimani sulisimangitsunut taarsigassarsititsisinnaavoq.”

Allannguutissatut siunnersuummut oqaaseqaatit

Oqaaseqaatit nalinginnaasut

Allannguutissatut siunnersuut Sanaartornermut Ataatsimiititaliap inatsisissatut siunnersuutip aappassaanneerineqarneranut isumaliutissiisutaa tunngavigalugu saqqummiunneqarpoq.

Allannguutissatut siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut.

Aalajangersakkami erseqqissarneqarpoq, nunaqarfinni illoqarfinnilu minnerni tamani sanaqateqarluni illulianik sananissamut pisinissamulluunniit taarsigassarsititsisoqarsinnaasoq. Sukumiinerusumik killiliinerit tulleriarinerillu kommunalbestyrelsimit attuumassuteqartumit isumagineqartassapput.

Nr. 2-mut.

Siunnersuummi imm. 1-imi sulisimanermut qinnuteqartup akissarsiaqarluni imaluunniit namminersorluni sulisimanissaa nassuiaatigineqarpoq. Taanna ilinniartunut atuutinnilaq.

Ilinniartut inissianik imminnut pilersorsinnaanissamut periarfissinniarlugit, aammalu ilinniareernerminni angerlarnissamut kajuminnerulersinniarlugit aalajangersagaq ikkunneqarpoq. Ilinniartulli siunnersuummi § 7 naapertorlugu nammineerlutik akiligassatik, aningaasartuutit uppersarsarneqarsimasut tamarmiusut 5%-iinik

annertussuseqartut akilerniarlugit sipaagaqarsimasussaapput imaluunniit aningaaserivimmit taarsigassarsisussaallutik.